

LAAX OPEN Media contact:
Astrid Nehls, open@laax.com, +41 79 9024215, +43 676 4314410

Informaziun da medias
LAAX, 23-1-2023



GRATULAZIUNS ALLAS VICTURS ED ALS VICTURS DIL LAAX OPEN 2023: Zoi Sadowski Synnott (NZL), Marcus Kleveland (NOR), Ono Mitsuki (JPN) e Ruka Hirano (JPN) gudognan a Laax ils tetels ella disciplina snowboard

La campionesa olimpica Zoi Sadowski Synnott (NZL) e campion mundial Marcus Kleveland (NOR) han gudignau al LAAX OPEN ils tetels ella slopestyle. Ils victurs olimpics dils juniors Ono Mitsuki (JPN) e Ruka Hirano (JPN) ein ils campions 2023 ella mesapipa. Il quartet ha enzatgei communabel: tuts quater gudognan l'emprema gada al LAAX OPEN!

Slopestyle - Freestyle at its best

Il final ella slopestyle ha stuiu vegnir stuschau la sonda pliras gadas pervia dalla macort'aura. La dumengia, il di da reserva, eis ei lu gartegiau. Il Norveges Marcus Kleveland ha giu in plascher narr da siu emprem tetel LAAX OPEN: „Jeu vegn dapi biars onns a Laax, entochen ussa haveva ei denton mai tunschiu per in plaz il pli sisum sil podest. Nundetg bi ch'igl ei la finala tuttina reussiu. Il percuors ei super, nus havein giu tschaffen, ed igl ei stau ina buna show.“ Sco gia ellas rundas da qualifaziun ha el era priu neunavon el final sia „marca“, il Signature Trick Nose Butter Back 14 Indy“. Buca in auter concurrent sa far quei sco el. Dusty Henricksen (USA) e Sven Thorgren (SWE) han cumplettau il podi sils plazs 2 e 3.

Tier las dunnas ha la Novaselandeses Zoi Sadowski Synnott triumfau e garantiu a sesezza a Laax la victoria dalla cuppa mundiala avon Mia Brookes (GBR) e l'Austriaca Anna Gasser. Cun fatscha rienta ha ella manegiau: „Jeu sun totalmein happy cun mia cursa ed hai in nundetg plascher da gudignar cheu a Laax. Jeu sai strusch crer ei!“ La sensaziun dall'jamna ei la giuvna Mia Brookes stada. Duront il Laax Open ha ella festivaun siu 16avel di da danschiants e fatg a sesezza il pli bi schenghetg: A sia emprema cursa dalla cuppa mundiala ella slopestyle ha ella mussau stil e trics genial ed ei siglida sil tiarz plaz: „Anna e Zoi ein mes idols, d'astgar parter cun ellas il podest ei in sentiment nundetg. Jeu ha tuts motivs dad esser totalmein happy!“ ha ella commentau. Tuttavia plausibel ei quei. La giuvna Englesa che trenescha dapi onns a Laax ha tarlichau cun duas campionesas olimpicas pil maletg dallas victuras.



LAAX OPEN Media contact:

Astrid Nehls, open@laax.com, +41 79 9024215, +43 676 4314410



Halfpipe – Flying high

Mellis fans ein vegni agl ur dalla mesapipa per mirar il final spectacular dils cavaladers e cavaladers gagliards. Cun raschun ei il final da otg cun reflecturs il highlight absolut dil Laax Open. Tuts eran semtgai, mo l'aura ha deplorablamein disgiu. En concordanza culs riders han ils organisaturs stuiu annullar il final da notg che tuts spitgavan vess. Il vent e la tschaghera han impediù las cundiziuns regularas. Tuttina han ils aspectaturs astgau guder in spitachel: Ils specialists dalla mesapipa han purschiu ina „Pipe-Session improvisada, cun Method e Frontside Airs stilistics dil pli ault level.

Sco resultat per puncts dalla cuppa mundiala dalla FIS han ils resultats dil miezfinal valiu. Grazia a lur ferma performance el miezfinal han ils riders giappunes Ono Mitsuki e Ruka Hirano gudignau lur emprem tetel al LAAX OPEN. Per Ono eis ei stau dil reminent l'emprema victoria en sia carriera. Sils plazs suandonts ein seclassai tiels umens Scotty James (2./AUS) e Yuto Totsuka (3./JPN), tier las dunnas Wu Shaotong (2./CHN) e Maddie Mastro (3./USA). Il victur dubel da Laax Open (2019 e 2020) Scotty James ha manegiau: „Ir cull'aissa ei in sport d'uviern. Perquei hai jeu decidiu per la ferdaglia, il vent, la neiv e tut quei che s'auda tier.“ Ei ha tonaton buca dau il duell da Laax per plaz 1 e 2 denter Scotty James e Yuto Totsuka sco ils onns 2019, 2020 e 2021. Tonaton eis ei stau in gudiment da mirar co els ein sglar ed han mussau lur show.

Buca emplidar da menziunar astgan ins il talent excepiunal dall'Australia, Valentino Guseli. Il victur dalla disciplina Big Air 2022/23 ei gl'unviern da casa a Laax. El nezegia las pusseivladads da trenar multifaras. Il resultat han ins astgau admirar al Laax Open 2023: Sco sulet rider (!) ha el contonschiu il final ed ha terminau quel cun in fetg bien plaz 4 (mesapipa) ed in 5avel ella slopestyle.

Ils resultats anflan ins sin laax.com/open sco era ella [LAAX APP](#).

#LAAXOPEN@laax @snowparklaax @fissnowboard @swiss snowboard @fisfreestyle @swissfreeski

